

Handwritten signature or mark at the top center.

76

3

TABVLAE

IOANNIS MVRMELLII

*Ruremundensis in Artis compo-
nendorum Versuum*

Rudimenta.



PARISIIS,

Apud Ioannem Lodoicum Tiletanum,

ex aduerso Collegij Remensis.


1546.

INDEX DVODECIM TABV-
larum huius libelli.

- De literarum distributione, Tabula prima.
De syllabarum diuisionibus, secunda.
De primæ syllabæ quantitate cognoscenda, tertia.
De mediæ syllabæ quantitate cognoscenda, quarta.
De ultimæ syllabæ quantitate cognoscenda, quinta.
De pedibus metricis, quorū frequētiōr usus est, sexta.
De uerbo hexametro, septima.
De uersu pentametro, octaua.
De uitijs nouem in uersu cōponendo uitandis, nona.
De tribus metrorum generibus, quibus tyrunculi pri-
mum sunt excitandi, decima.
Super hexametris & pentametris eleganter clauden-
dis, undecima.
De uersus heroici uaria specie, duodecima.

DE LITTERARVM DISTRIBUTIONE TABULA PRIMA.

Litterarum apud
Latinos præter
h notam aspira-
tionis, viginti
duarum,



i & u sunt conso-
nantes, ut iuu.
y solum Græcis di-
ffinitionibus, ac non
omnibus compe-
tit, ut hyæna.

Ex quibus quatuor
sunt liquida.

l m n r

Due duplices
consonantes } x z
S nec liquida, nec duplex est.

Nonem muta, b, c, d, f, g, K, p, q, r. Ex quibus f, proferitur, ut semivoca is, ac potestate muta est.
K subscripta est,

IN PRIMAM TABVLAM
adnotatiunculae.

Litera est uox, quæ scribi potest, indiuidua.

Vocalis est, quæ per se uocem facit. Consonans, quæ cum uocali sonat. H, nec est uocalis, nec consonans, sed aspirationis nota. Semiuiocalis est imperfecta uocalis. Muta est, quæ respectu bene sonantium exiguam uocem habet. Liquida est, quæ post mutam posita in eadem syllaba fluit, & quasi interit, ut Atlas, patris, Tecmessæ, cyenus. Duplex consonans est, quæ pro duabus literis ponitur. Sunt autem tres duplices, x, z, & i, posita inter duas uocales in dictione simplici, ut pax, pro pacs: rex, pro regs: gaza, pro gassa: aio, pro ailo.

DE SYLLABARVM DIVISIONIBUS, Tabula secunda.

Syllabarum { alia breuis
alia longa
alia communis } ut { Deus
sancti
patre.

Syllabarum { alia prima
alia media
alia ultima } ut { be-
a-
tus.

IN SECVNDAM TABVLAM
adnotatiunculae.

Syllaba est comprehensio literarum consequens sub uno accentu & uno spiritu prolata.

Monosyllabæ dictiunculae inter ultimas syllabas habentur.

DE PRIMAE SYLLABAE QVANTITATE COGNOSCENDA, Tabula tertia.

Primæ syllabæ quantitas cognoscitur modis octo.	{	Positione, ut carmen
		Diphthongo, ut aurum
		Præpositione, ut edisco
		Compositione, ut fero: perfero
		Vocali ante uocalem, ut Deus
		Derivatione, ut amabilis, ab amo
	{	Regula, ut laui lotum
	{	Exemplo, ut, Vina parant animos.

IN TERTIAM TABVLAM adnotatiunculae.

Positione, diphthongo, regula, & exemplo non primæ solum syllabæ, sed etiam mediæ cum ultimis cognoscuntur. Positione, syllaba producitur. Positio fit, quotiescunque uocalem consonantes sequuntur, uel una duplex, siue in eadem dictione, siue in diuersis: ut doctus, axis, gaza, maior, ille Ingenium quondam fuerat preciosius auro. Tres autem hinc fiunt exceptiones. Prima, Quum breuem naturæ uocalem muta & liquida ambæ in eadem syllaba positæ sequuntur, ea non necessario fit longa, sed modo naturalem retinens quantitatem corripitur, modo producitur. ut pater, natura primam breuem habet. Vergilius, Est mihi nanque domi pater, est iniusta nouerca.

Obliqui uero casus eius ob mutam cum liquida primam communem habent. Idem, Albanique patres. Idem, Hac celebrata tenus sancto certamina patri. Secunda, X & Z non producant uocalem breuem in fine præcedentis dictionis positam. Lucanus, Tales fama canit, timidum super æquora Xerxem. Virg. Iam medio apparet fluctu nemorosa Zacynthos. Tertia exceptio, S nonnunquam euanescit, ita ut positionem non faciat. Tum in fine, Lucretius, Arboribus ucteres decidere falcibus ramos: quod nobis imitandum non est. Tum in principio: Horatius, Linqvimus insani ridentes præmia scriba.

Diphthongus est connexio duarum uocalium in eadem syllaba uim suam retinentium. Hac autem syllaba quæuis producit, nisi in Latina dictione uocalis subsequatur. Maro, Stipitibus duris agitur sudibusque præustis. Diphthongi sunt quatuor apud Latinos, ut, ætas, aurum, euge, cælum. Additur à nonnullis quinta, ut fonteis pro fontes. Vtimur & diphthongo Græcorum impropria yi, ut harpyia.

Præpositio in compositione suam retinet quantitatem, nisi positio fiat, aut uocalem uocalis sequatur, ut abluco, deamo.

Hæ præpositiones corripuntur.	{	ab, ut abeo.
		ad, ut aduro.
		in, ut in eo.
		ob, ut obambulo.
		per, ut pereō,
		re, ut repono, præter reuicio.

et refert pro interest, uel distat,
quod compositum dicitur ex no-
mine res, et fert,

sub, ut suborno.

super, ut superaddo.

Ha pra-
positio-
nes pro-
ducuntur.

A, ut amitto. Aperio corripit a, sed hoc
aiunt compositum ex ad et pario,
de, ut deduco.
di, ut diligo. Excipitur dirimo et disert,
è, ut egero.
pra diphthongon habet, ut praediues.
se, ut secubo.

Pro in latinis producitur, ut profero, propono, prodo

Corripitur in
multis, quae an-
magis sint ex
procul uel pro-
pe composita iu-
dicens etymo-
logici.

Pronepos
Profugo profugio
profugus profugium
proficiscor
procio
procello procella
profanus profano
profiteor
profundus
profectus
profor
profecto aduerbium
proteruus
propino
procuro
profundo.

Variatur
in his.

propello.
} propago uerbo . nam nomen pro uite
producitur: pro progenie, corripitur.

Compositio primæ syllabæ quantitatem tibi indicat, hoc modo: Si nescis quanta sit prima dictionis simplicis, eam compone, & accentum perpende, ut potens impotens, clarus præclarus, seco refeco, spiro aspiro. Si dictio composita fuerit tetrasyllaba, fac eam reduigas in trisyllabam, si potest hoc fieri, ut fodio perfodio perfodis, fugio confugio confugis, finio definio de finis, munio communio communis.

Vocalis ante uocalem in latinis dictionibus corripitur, ut deus, pius. Excipitur fio, quod uocalem antea uocalem producit, nisi e & r subsequantur, ut fierem, fieri. Ohe primam communem habet. Martialis lib. 4. Ohe iam satis est ohe libelle. Sunt qui idem de aha & uaha opinentur. Aer & dius ex Græcis sunt, àνὴρ dios, & producuntur. Caius cum sit trisyllabum, & Cai dissyllabum, producunt a ante i uocalem factam ex consonante.

Deriuatiua dictio si literatura non mutetur, plerumque retinet quantitatem primitiuæ. ut amabilis primam corripit sicut amo: clamor primam producit sicut clamo. Si literatura non mutetur, diximus ideo, quia si uocalem non sequatur eadem litera in deriuatiua, quæ sequebatur in primitiua, non est mirandum mutari quantitatem. ut mobilis & momentum primam producunt, quæ in moueo corripitur.

Sciendum autem est præterita & supina sæpe

discrepare à quantitate uerbi principalis, ut moueo
primam corripit, sic & ea quæ inde derivantur.
Sunt autem subiecta.

Mouebam

mouebo

moue

moueto

moueam

mouere

mouens

} à moueo

Item mouebo

mouebam

mouebor

mouere

mouetor

mouerer

mouear

moueri, & mouendus, & si qua sunt alia,

Moui autem cum sit præteritum disyllabum, pri-
mam producit, sic & ab eo deducta, ut hæc,

moueram

mouissem

mouerim

mouero

mouisse

} à moui

Motum itidem supinū disyllabum primam lōgam
habet cum suis, quæ sunt hæc, & si qua sunt reliqua.

Motus, a, um

moturus

motor

motrix

motio

mot⁹, tus, tui

motiuus

} à motum.

Hæc & quadam alia à primitiuis breuibus produ-
cuntur.

Vox uocis à uoco, lex legis à lego, sedes à sedeo,
 Regula & rex à rego, tegula à tego, laterna à lateo,
 Vomer à uomo, uena à uenio, petus à peto,
 Remus à remeo, rapum à rapio, uires à uirco,
 Vitupero à uitium & paro, macero à macer, ceritus
 à cerere,

Pedor à pede, iugerum à iugo, gradiuus à gradu, fe-
 ralis à ferendo uel fera.

Hæc & quædam alia à primitiuis longis corrip-
 untur.

Dux ducis à duco, dicax, maledicus, causidicus à dico
 Arena & arista ab areo, lucerna à luceo,

Manus à mano, sopor à sopio,

Vadum à uado, noto à notu,

Nato à natu, status à statu,

Sagax à sagio, Item status, a, um, ab eodẽ.

Acerbus ab adiectiuo acer: siquidem, à si & quidem.

Lotium à lotu, uitium à uito, fatuus à fatu.

REGVLÆ QVINQVE DANTVR

ad primam syllabam cognoscendam.

Prima, Omne præteritum dissyllabum primã pro-
 ducit, ut uidi, feci, suasi, iuui, egi.

excipiuntur sex	{	bibi à bibo	dedi à do
		fidi à findo	scidi à scindo
		steti à sto	tuli à fero

Secunda, Omne præteritum geminans princi-
 pium, primam corripit, ut memordi, totondi, fefelli,
 pepuli.

81

Tertia, Caterorum præteritorum tanta est prima,
quanta præsentis. Amaui primam corripit sicut amo,
clamaui primam producit, sicut clamo.

Excipiuntur quatuor	{	cocgi à cogo
		genui à gigno.
		posui à pono
		potui à possum.

Quartus, Omne supinum disyllabum primam producit, ut porum, risum, motum, lusum, esum, rasum, statum: tametsi quidam contra Prisciani sententiam male credant hoc primam corripere, quod arguunt composita, constatum, præstatum, mediam producentia.

Excipiuntur nouem	{	citum à cieo, secunda coniugationis
		datum à do
		itum ab eo
		litum à lino
		quitum à queo
		ratum à reor
		rutum à ruo
{	satum à sero	
	situm à sino.	

Quinta regula, Bi & tri in compositione corripiuntur, ut biceps, bidens, biuium: triceps, tricorpor, tricuspis, tridens, triuium.

Exemplo cognoscitur quantitas, quoties ad probati poetæ confugimus auctoritatē: ut si dubites quanta sit prima in Saturno, poteris ex illo Nasonis fieri certior, Postq̃ Saturno tenebrosa in tartara misso. Poetas tibi censemus imitādos, potissimum qui nec sint nimis

uētusti, nec post exactas Italia Musas exorti, præter
eos qui diuino præditi ingenio, & singulari eruditio-
ne nobilitati proximè uidentur ad antiquos eosq; pro-
batissimos accedere.

Ex heroicis
maximè sunt
imitandi,

Virgilius
Lucanus
Papinius
Silius Italicus
Valerius Flaccus
Claudianus
His addo ex recentioribus
Angelum Politianum,
Baptistam Mantuanum, & Franci-
scum Picum: quorum medius sua sæ-
pius usus est licentia.
Licet his etiam adiungere Iouianum
Pontanum.

Tragicorum qui Latinè scripserunt, solus extat Sene-
ca, tum sententiarum grauitate, tum carminum ua-
rietate iucunditateq; legi dignissimus.

Ex elegio-
graphis.

Albius Tibullus
Aurelius Propertius
Ouidius
& inter iuniores famigerati
Faustus Andrelinus
Lodouicus Bigus
Pamphilus Saxius, & alij permulti.

Ex Lyricis { Horatius
Catullus
Boetius
Prudentius
Marullus
Pontanus
Grinitus
Philelphus & reliqui.

Ex Satyro-
rographis. { Horatius,
Persius,
Iuuenalis.

Ex Epigram-
matographis { Catullus
Martialis
Ausonius
Prosper
Baptista Mantuanus
Pamphilus saxus
Pontanus, & cateri.

Ex Bucolicis { Virgilius
Calphurnius
Nemesianus
Petrarcha
Boccacius
Baptista Mantuanus
Faustus
Geraldinus.

DE MEDIAE SYLLABAE QUAN-
titate cognoscenda, Tabula quarta.
Positione, ut amantes. Diphthongo, ut longæuus,

Accentu

Producto, ut fortuna.

Correpto, ut tabula.

Diminutione, ut amicorum, amicus.

Vocali ante uocalem, ut filius.

Media syl-
laba quanta
sit, modis o-
cto cogno-
scitur.

Derivatione, ut felicior à felici, simu-
lacrum à simulatu.

Regula, ut omnipotens.

Exemplo, ut Castaneasque nuces,

Phæbe salubris ades.

IN QVARTAM TABV-
lam adnotatiunculae..

Accentu cognoscitur penultima syllaba, quæ si uel acuitur, uel circumfl:ctitur, longa est: ut doctiôres, Românius: si autem grauatur, breuis: ut dôminus. Excipiuntur, deinde, exinde, perinde, proinde, subinde, exaduersum, aliquâdo, siquando, nimirum, duntaxat, enunnuero, & id genus reliqua. In quibus (ut grammaticorum plerisque usque non parua auctoritatis uisum est) autepenultima acuitur, tametsi longa sit penultima, ne scilicet binæ dictiones uideantur. Addunt quidam ex auctoritate Gellij quiesco, quod sanè permulti pronunciant sicut caleasco, calefacis, frige facis, & id genus alia. Item utraque & pleraque nominatiui & accusatiui casus breuem penultimam acuiunt.

Diminutione media syllaba cognoscitur, maximè antepenultima, cum detracta syllaba sit penultima, & sic innotescit accentu, ut amicorum producit antepenultimam, cum amicus producat penultimam.

Vocalis ante uocalem in Latinis corripitur, ut filius, tenuis, castanea. Hinc sunt quatuor exceptiones! Prima, In genitiuis & datiuis quintæ declinationis e inter duo i producitur. ut dici.

Secunda, Genitiui in ius diuisas syllabas, communem habent penultimam in uersu, ut illius, unius. Sed alius semper longâ: alterius, præterquã apud Terentianum, semper breuem habet. Tertia, Aulai, terrai, pictai, animai, & id genus genitiui, penultimam producunt. Quarta, Possessiuâ in eius, eia, eium, antepenultimam longam habent, ut Priameius & Aeneius, Cybeleius, Rhodopcius. Item confio, desio, & desiolus apud Martialem, ut quibusdam placet, uocalem ante uocalem, producunt. Sic Pompei & Vultei uocatiui, quando Diarefin admittunt. Infio, & suffio, ut tradit Aldus Manutius, mediam corripunt.

Deriuatione cognoscitur media syllaba, si quanta sit in primitiuo, consideraueris. Nam si nescias, Etò in Victorinus quanta sit: item, sti in Iustinianus, cognoscas ex Victoris & Iustinus primitiuus, in quibus Etò, & sti, producantur. Eodẽ modo si nescias Venercus & Hectorcus quantâ habeant antepenultimã, cognoscas ex Veneris & Hectoris primitiuus, in quibus ne & Etò corripuntur, quod accentus facile ostendit.

Item hæc antepenultimam longam habent. Hæc penultimam, Lauacrum à lauatum.

Amabilis ab amatum. Simulacrum à simulatum

Delus à deletum Ambulacrum ab ambu-

Volubilis à uolutum. latum.

Errabundus ab *erratum*, *Inuolucrum* ab *inuolutū*,
Vagabundus à *uagatum*, *Volutabrum* à *uolutatū*.
Siribundus à *sititum*.

Tametsi licenter hoc multi antepenultima correpta protulerint. *Verecundus* à *uereris*. *Aratrum*, *candelabrum*, & *delubrum*, *Manutius* & alij quidam putant penultimam producere, quia apud poetas nunquam leguntur penultima breui. *Aratrum* tamen quidam putant corripere penultimam, quia Græcè τὸ ἄροτρον, o paruo scribitur. Alij deductum à supino uolunt, idèoque apud poetas semper legi penultima longa. Hinc *Sulpitius* in *Nestorem*,

Vis aratrum Nestor, non uis (quo dignus) aratrum.

Esse arator qui uis, uerus arator eris.

Candelabrum tametsi producat a Martiale ratione mutæ cum liquida: meo tamen iudicio penultimā correptam habet, cum non deriuetur à supino, ut *uolutabrum*, sed à nomine *candela*, cuius ultima breuis est, nisi sit ablatiui casus. Sed quàm frigida sit hæc ratio, docent *statuarius* à *statua*, *molaris* à *mola*, *gallinaceus* à *gallina*. Liberum igitur sit super hoc uolentibus opinari. *Delubrum* apud poetas fere producit, de cuius uocabuli origine, uide *Macrobium* lib. *Saturnalium* tertio. At si uerum est quod *Festus Pompeius* tradidit, *delubrum* dicebant fustem delibratum, hoc est decorticatum, quem uenerabantur pro deo, recte mediam eius uocabuli contraxit *Crinitus* libro poematum secundo: *Sacris receptus delubris*. Est enim uersus dimeter iambicus.

Regulis pluribus mediæ syllabæ cognosci possunt: sed si à latino præceptore rectè didiceris & nomina declinare & uerba, super eorum cremētis, & penultimarum uel extensione, uel contractione nunc tibi regulas tradere superfluum est. Proinde da operam ut in ludo literario sub optimis præceptoribus bene instituto, puro sermioni Romæ urbis uernaculo insuecas, ne stultè magistris militans sub barbaris linguam tenellam polluas stribiligine. Sis igitur hac regula contentus.

I in compositione ita medium, ut priorem partium componentium terminet, corripitur, ut agricola, ensifer, magnificus, artifex, multiuolus, omnipotens.

Excipiuntur hæc, in quibus i produci- tur,	{	Tanticunque
		Tantidem
		Quanticunque
		Qualicunque
		Vnicuique, cuius, cuilibet, cuidam,
		utrique, cuiquam, cuinam, cuipiam,
		& similia.
		Plerique
		Tibicen
		Ibidem
		Vbique.

In his autem modò producitur, modò corripitur,

Vbicunque
Quotidie
Quotidianus

Meridies.

Meridior

Pridie

Postridie

DE VLTIMAE SYLLABAE

quantitate cognoscenda, Tabula quinta.

Ultima syllaba
quatuor modis
cognoscitur. {
 Positione, ut sapiens.
 Diphthongo, ut musæ.
 Regula, ut ama.
 Exemplo, ut, Huc ades ô formose
 puer.

IN QVINTAM TABVLAM

adnotatiunculae.

Quindecim regulis ultima syllaba cognoscitur, quarum
octo producitur, sex corripitur, una fit communis.

Producentur {
 a, ut ama
 c, ut dic
 i, ut magistri
 n, ut titan, en, quin, canon
 as, ut ciuitas
 es, ut dies
 os, ut flos
 u, ut manu
Corripuntur {
 b, d, m, t: ut ab, ad, militum, caput,
 e, ut mare.
 l, ut animal, mel, pugil, consul.
 r, ut Caesar, per, uir amor, turtur.
 is, ut ignis.
 us, ut deus.

O modo producitur, modo corripitur, ut amo, uirgo. Hac quo facilius memoria commendatur, hoc distichon apposui:

Produc, da, sic, mi, pan, en, quin, non, pietas, res.

Flos, fructu, medium est o, cetera contrahe lector.

Verum singulatim hac repetamus, ut exceptiones innotescant.

Prima regula. A finita producantur, ut ama, contra, praterca.

Tres hinc
sunt exce-
ptiones.

Prima, nominatiui, accusatiui, & uocatiui in a corripuntur, ut hic & poeta, templa, carmina, prater uocatiuos à nominatiuis Gracis in as, ut ò Aenea: & Græca in a productum, ut Nemea, Tegea,

Secunda, numeralia in ginta, cōmune habent ultimā, ut triginta, quadraginta, quæ tradunt quidā rectius produci.

Tertia, puta aduerbium, ita, quia, corripuntur. Addunt quidam eia, Probo authore.

Secunda regula. C. finita producantur, ut dic, duc, ha lec, illuc, istuc.

Exceptiones due.

Prima, Nec, donec, lac, & hoc, nominatiui uel accusatiui casus corripuntur.

Secunda, Fac & hic pronomen communia sunt.

Tertia
regula.

I finita producantur, ut Dei, amari, dixi, uesper.

Exceptio-
nes tres.

Prima, Datiui & uocatiui in i, quo-
rum genitiuus singularis in os corre-
ptam apud Græcos desinit, corripun-
tur: huic Palladi, Minoidi, ô Phylli, Ale-
xi. Interdum tamen eiusmodi datiui le-
guntur ultima longa.

Secunda, nisi, & quasi corripuntur.

Tertia mihi, tibi, sibi, cui dissyllabum.
ubi, &, ibi, ultimam communē habent.

Quarta
regula.

Moly desinēs in ypsilō, corripit ultimā.
N finita producuntur, ut Titan, hymen,
en, quin, delphin, dæmon, canon.

Prima, forsā, forsitan, tamen, attā-
men, in cum compositis, ut dein, exin,
proin, uidē, an, corripuntur.

Secunda, neutra, & masculina in en,
habentia inis in genitiuo corripuntur.
ut nomen, carmen, gramen, pecten, tubi-
cen, flamen.

Exceptio-
nes tres.

Tertia nominatiui, accusatiui, & uo-
catiui Græci in on per o paruum, ut pe-
lion, ilion, pylon, cantharon, corripun-
tur. Item accusatiui in in, ut Alexin, Da-
phnin. Et in an à nominatiuis in a, ut
Iphigenian. Aeginan. Nā à nominatiuis
in as producuntur, ut AEnean, Borean.

Quinta
regula.

As finita producuntur, ut ciuitas, musas,
amas.

Prima, nominatiui in as, quorum geniti-
uus in dos desinit, corripuntur.

nes duæ. ut Pallas, lampas, arcas. Secunda accusatiui Græci in as, eorum nominum, quæ per os mittunt genitiuum, corrip. ūtur, ut Aonas, heroas, Garamantas, rhetoras.

Sexta regula. Es finita producantur, ut uulpes, fraudes, doces, leges, audies.

Exceptiones tres. { Prima, Corripientia penultimæ genitiui crescētis corrip. ūtur, ut diues, miles, seges: præter, aries, paries, abies, ceres, fides, res, pes, & spes, quæ producantur.

{ Secunda, Nominatiui Græci plurales in es corrip. iuntur, ut Arcades, Thraces.

{ Tertia, es à sum cum compositis, potes, ades, & reliquis, penes, hippomanes, cacoethes, corrip. iuntur.

{ Es uero ab edo producitur differentie causa. Inquies, Probus & Priscianus dicunt corrip. Sunt qui produci magis autumant.

Septima regula. Os finita producantur, ut dos, honos, magistros.

Exceptiones duæ. { Prima, Os ossis cum composito exos corripitur. Secunda, Græca in os per o paruum corrip. iuntur, ut Delos, Ilios, chaos, Pallados, Orpheos, Tereos, AEneidos.

Octaua, V finita producantur, ut fluctu, manu, tu, diu, amatu, dictu. Excipiuntur, ut grammaticis placet, neutra, quæ corrip. iuntur in nominatiuo, accusa-

tiuo, uocatiuo, ut genu, cornu.

Nona, B, d, m, t, finita corripuntur, ut ab, ad, militum, caput. Excipiuntur in quibus facta est syncopa, ut fumar, pro fumauit: obit, pro obiuit.

Decima regula. E finita corripuntur, ut cabile, mille, forte, scribere, lege, pene, rite, facile, pone, impune.

Prima, Græca in e longū producuntur, ut musice, ô Anchise, mele, cete, tempe.

Secunda, Genitiui, datiu, & ablatiu quinta declinationis producuntur, ut die, fide, fame.

Tertia, Imperatiua singulari secunda coniugationis producuntur, ut doce, mane.

Exceptiones quinque.

Quarta, Monosyllaba, ut ne, te, se, de, producuntur, præter encliticas coniunctiones, ne. que. ue.

Quinta, Aduerbia in e re e formata à datiuo in o producuntur, ut belle, pulchre, caute: sic ualde, fere & ferme.

His additur ohe interiectio. Male, uerò corripitur, sicut bene.

Vndecima regula. L finita corripuntur, ut tribunal, mel, uigil, consul.

Exceptiones duæ.

Prima, Pol, sol, & nil producuntur.

Secunda, Barbara in el syllabam producuntur, ut Michael, Daniel.

Duodecima regula. R finita corripuntur, ut lacunar, imber, uir, calor, murmur, martyr.

Exceptio-
nes tres.

Prima, Far, lar, nar, uer, cur, fur, par
cum compositis, compar, impar, & re-
liquis, producantur. Secunda, Cor com-
mune est. Tertia, In cr à Græcis in n, g,
id est, cr longum, producantur: ut aer,
crater, character, æther, & id genus
alia: præter pater & mater, quæ sem-
per ultimam contrahunt, tametsi à Græ-
cis ueniant.

Decimater-
tia regula.

Is finita corripuntur, ut ignis,
Paris.

Exceptia-
nes.

Prima, Datiui & ablatiui & accu-
satiui plurales in is producantur, ut do-
minis, musis, fontis uel fonteis more
ueterū, pro fontes, treis pro tres, quæ
pro quibus. Secunda, Producentia pe-
nultimam crescentis gentiui produ-
cantur, ut lis, samnis, delphis, dis. Ter-
tia, In is à Græcis in eis diphthongon
producuntur, ut Pyrois, Simois. Quar-
ta, Vis nomen, uis uerbum, & sis pro-
ducuntur. Quinta, Secunda personæ
singulares in is quartæ coniugationis
producuntur, ut audis, dormis. Sex-
ta, Velis cum compositis malis & no-
lis producantur. Septima, Secunda
personæ singulares futuri subiunctiui
modi habent ultimam communem, ut
dederis, audieris.

DECIMAQVARTA REGVLA

Vs finita corripuntur: ut Deus, angelus.

- Exce- } Prima, Genitini singul. & nominatiui,
ptio- } & accusatiui, uocatiuique plurales quar-
nes } ta declinationis producuntur, ut fructus.
qua- } Secunda, Producentia penultimam geni-
tuor. } tini crescentis producuntur, ut uirtus uirtu-
tis, tellus telluris: tametsi licenter Horatius
palus contraxerit.
Tertia, Monosyllaba in us producuntur,
ut, ius, tus, plus, mus, grus, sus.
Quarta, Græca in us producuntur, ut
Panthus, Sapphus, Amathus. A pustamen
composita etiam corripuntur, ut apud Ho-
ratiū polypus.

DECIMAQVINTA REGVLA,

O finita & corripi & produci possunt,
ut amo, scribo, amando, uirgo.

- Exce- } Prima, Datiui & ablatiui in o produ-
ptiones } cuntur, ut magistro, templo.
quinq; } Secunda, Monosyllaba in o producuntur,
ut do, sto, pro.
Tertia, Græca in o magnum producun-
tur, ut Dido, Manto, Io, Echo: præter ego,
quod quidem semper corripit tradunt.
Quarta, duo & scilicet compositis
corripuntur.
Quinta, Illico, modo, cito, contrahuntur.

DE PEDIBVS METRICIS QVO-

rum frequentior usus est, Tab. sexta.

Pyrrhichius duabus breuibus

Quatuor
sunt di-
syllabi, { constans UU ut pater.
Spondeus duabus longis — ut laudes.
Iambus breui & longa U — ut dies.
Trochæus longa & breui — U ut mater.

Tribrachus tribus breuibus

UUU ut canite.

tres { Anapaestus duabus breuibus &

trisyllabi, { longa UU — ut lapides.

Pedū { Dactylus longa & duabus breui-
quib. { bus — U U ut carmina.

sæpi⁹ { duo { Proceleumaticus quatuor breui-
uti- { bus U U U U ut relegite.

mur. { tetra- { Choriambus longa, duabus bre-
sylla- { uibus & longa — U U —
ba. { ut omnipotens.

IN SEXTAM TABVLAM

adnotatiuncula.

Pes est metrica constitutio syllabarum. Pedes au-
tem dicti sunt, quia quemadmodum pedibus ingredi-
mur, ita & uersus quibusdam quasi pedibus meti-
mur. Ex pedibus in primis spondeum & dactylum
disce cognoscere, qui tibi maxime usui sunt futuri.
Deinde paulatim ad alios perge.

DE VERSV HEXAMETRO,

Tabula septima.

Hexameter uersus
sex regiones habet. { In prima regione
secunda Spondeum
tertia uel dactylum.
Recipit autem { quarta
In quinta solum dactylum,
Sexta, solum spondeum.

Scanditur hunc in modum,

Tityre— u u tu patu — u u la recu — u u
bans sub — — tegmine — u u fagi — —
sylue — — streu tenu — u u i mu — —
sam medi — u u taris a — u u uena — —

IN SEPTIMAM TABV- lam adnotatiuncula.

Versus, est metrica pedum constitutio. Dicitur autem uersus, quod ab eo ad principium sequentis reuertimur, aut quod tantisper uertendus est, dum recte constituitur. Hexameter, quod sex regiones, id est, pedum loca continet, ab ἑξ quod est sex, & μέτρον mensura. Apud poetas in quinta regione nonnunquam spondeus inuenitur, sed tibi hoc temerario ausu non est imitandum. Scandi uersus tum dicitur, cum in singulos uel binos pedes distinguitur. Tibi (ne fallaris) uersus sunt in singulos pedes distinguendi, tametsi soleant iambici peritis scandi binis pedibus coniunctis.

DE VERSV PENTAMETRO,

Tabula octaua.

Pentameter quinque regiones habet, diuiditur

autem in duo hemistichia, quorum utrumque duobus pedibus constat, & semipede.

Prius hemistichium constat,	{	Duobus dactylis, & semipede,	
		— UU — UU —	
		Duobus spondeis, & semipede.	
		— — — —	
		{	Dactylo, spondeo, semipede.
			— UU — — —
		{	Spondeo, dactylo, semipede.
			— — — UU —

Posterius constat duobus dactylis, & semipede.

— UU — UU —

Scanditur hunc in modum:

Sæpe so—uulent au—ro—
 multa sub—uuisse ma—uula—
 Certe — plus ani—uu mi—
 debet in—uu esse ui—uu ris—

IN OCTAVAM TABV- lam adnotatiuncula.

Pentameter uersus dicitur, quod quinque pedum regiones habeat, à πέντε, quod est quinque, & μέτρον metrum. Hemistichium dicitur dimidia pars uersus, ab ἡμιός dimidius, & σίχος, uersus. Semipes est pedis pars dimidia: & cum in fine dictionis superat, etiam casura dicitur, quod ea uersus caditur & diuiditur. Ultima cuiuscunque uersus syllaba longa sit an breuis, nihil refert. Vnde bene

quidam dixit.

Ultima cuiusque est communis syllaba uersus.

DE VITIIS NOVEM IN VERSV

componendo vitandis, Tabula nona.

Ut recte carmina conficere discas, nouem tibi uitia
sunt diligenter euitanda,

Primum, illatini- { *Barbarismus*, qui fit in dictione.
tas, cui subjicitur, { *Solæcismus*, qui in oratione.

Secundum negligentiam, } {superfluitas.
sub qua continentur } {defectio.

Tertium, ordinis confusio.

Quartum, obscuritas.

Quintum, quantitatis in- { Breuem extendendo.
curia, quæ fit bifariam, { Longam contrahendo.

Sextum, hiat-
tus, qui fit
bifariam.

Cum dictione in uocalem desinente,
subsequens à uocali incipit, nec pri-
or uocalis eliditur.

Cum dictione in m desinente, subse-
quens à uocali incipit, nec m cum
sua uocali abiicitur.

Septimum, inconcinnitas.

Octavum, nimis frequens licentiae usurpatio.

Nonum, stulta imitatio quorumlibet uersificatorum.

Complexi sumus ea his novem versibus,
ut facilius ediscas:

Sermonis vitium fuge, dictio nequa redundet,

Aut desit. rectus seruetur in omnibus ordo.
 Ne sis obscurus. ne produc corripienda,
 Vel contrà si uox uocali desinit, aut m,
 Subdere uocalem sine perditione prioris
 Nolito. uersus omni sint parte canori.
 Carmine in exiguo ne ponito plura licenter.
 Optima quæ tibi propone imitanda, fauebit
 Pulcher Apollo tibi, fundent sua dona Camæna.

IN NONAM TABVLAM.
 adnotatiunculae.

Illatinitas & barbaries omnis, ut in oratione
 prosa, sic & in carmine diligenter euitanda est. Bar-
 barissimus est, contra Romani sermonis legem, aut scri-
 pta aut pronunciata uitiosa dictio. Solæcismus, est in-
 conueniens Romano sermoni iunctura uerborum, con-
 tra regulam artis grammaticæ posita. Latine à qui-
 busdam stribiligo appellatur.

Negligentia maximopere fugienda est in uersibus
 componendis, ne uel superfluae dictiones admittantur,
 uel excludantur necessariae. Perbellè Bigus Pictorius
 in quendam iocatur hoc tetraſticho.

Dic mihi, cur ponis toties in carmine, nunc, sed,

Ipse, puer, frater, quippe, profecto, rogo?
 Scilicet ut magnum possis absolucere uersum?

O uir præcipua calliditate uaser.

Vitanda quoque est ordinis confusio, neque proban-
 dum, si quis adiectiuum à suo substantiuo, supposi-

tum à uerbo, dictionem rectam à regente, aduerbium à uerbo nimium separauerit. inepta enim eorum quæ coniungenda sunt, seiunctio, lectoris animum non iuuat, sed offendit. Obscuritas item & orationis ambiguitas omni studio est amouenda, itaque studendum breuitati, ne lux uertatur in caliginem. Notans id uitiū Flaccus, Brenus, inquit, esse laboro, Obscurus fio.

Syllabarum quantitates diligenter obseruandas, ne grammatici suis utantur censuris, non necessarium est sæpius admonere. Hiatus procuratur, cuitaturque duabus figuris, synalæpha, & ecthipsis.

Synalæpha fit, cum in scansione uersus, uocalis in fine dictionis posita per subsequentem uocalem abiicitur. ut, Sera nimis uita est crastina, uiue hodie. Synalæpha, Græcè συναλοιφή, Latine coniunctio dicitur. Videntur enim duæ uocales coniungi, & in unam coire. Ecthipsis fit, quando sequente uocali consonans præcedentis dictionis exprimitur cum sua uocali: ut, Monstrum horrendum ingens. Ecthipsis, Græcè ἔκθλιψις, interpretatur elisio, uel expressio. uocalis enim successu cum sua uocali eliditur. Vnde quidam, Ecthipsis necat m, uocalem aufert synalæpha. Inconcinnitas dicitur, cum uersus minus bene sonat. Id autem multis accidit modis, cum eadem uel literæ, uel syllabæ duriter aspereque concurrunt: ut, Carmina manca canis.

Casus Cassandra canebat. Sentis periuria gentis.
O fortunatam natam me consule Romam.
Exercet mentes fraternas grata malis lis.

O Tite Tute Tati tibi tanta tyranne tulisti.
 Machina multa minax minitatur maxima muris.
 Magnanimæ Thebæ certamine Marte dedere.
 Inque tuis factis sæuis, & tristibus dictis.
 Improbe amor conuertere animi indignantia habenis.
 Portat equus, cristaque tegit galea aurea rubra.
 Et grauiora rependit iniquis pensa quasillis.
 Magnanimi Iouis ingratum ascendere cubile.
 Nuper quidam doctos cæpit scribere uersus.
 Tu quod promisti mihi quod mentita inimica es.
 Cynthia cornu, Phæbus spicula, prælia Maurors.

Vitandum insuper tibi uersiculorum genus est,
 quos Leoninos uocant: ut,
 Aethiopum terras iam feruida torruit æstas.
 Vos uocat infernus, uos deserit ordo supernus.

Nonnunquam tamen eiusmodi leguntur apud pro-
 tos poetas: ut,

I nunc, & uerbis uirtutem illude superbis.
 Vir precor uxori, frater succurre sorori.

Ad hæc cauendum tibi est, ne in paruo poemate ni-
 mis crebra nō uerearis uti licentia. Non enim conce-
 ditur idē rudi, quod erudito: nec tyrūculi est tantum
 sibi arrogare, quantū militis uel imperatoris diu mul-
 tūq; exercitati, & iā magnā inter militātes auctori-
 tate præditi. Verecundus igitur esto, & à nimium fre-
 quētib; figuris abstineto. Postremò, Quintiliani iudi-
 cio, poetarum optimi & semper statim legendi sunt
 ac imitandi, qui prudenter etiā præcipit, pueros protin-
 nus optimo præceptori tradendos esse, cū in eluendis

quæ semel infederint uitij, difficultas maxima consequatur. Proinde non satis prudenter agunt plerique, qui sciolis & semidoctis literatoribus filiolos suos tradunt imbuendos: apud quos inepti uersus Alexandri Galli, Faceti & Alani, & alia pleraque quæ barbariem olent, infelicibus discipulis praeleguntur. Sunt etiam non minus stulti, qui cubicularijs magisterculis liberos suos committunt, qui uiginti trigintaue pueris dissimili præditis ingenio, profectuque longè distantibus, eadem praelegunt & inculcant, nullius rei perinde ac sui quæstus habita ratione. Barbaries horum domesticos intra parietes obgannens, & in doctissimum quenque imprudenter deblaterans, quàm teneris puerorū linguis noceat, quantumque mollis eorundem indulgentia bonis moribus officiat, quis breui sermone possit explicare?

DE TRIBVS METRORVM

generibus, quibus tyrunculi primum sunt exercitandi, Tabula decima.

Tria metro rū genera, puerorū ex- ercitationi sunt in pri- mis condu- cibilia,	{	Adonium constans daëtylo & spon- deo.
		Archilochium daëtylicum dimetrum hypercatalecticum, constans duo- bus daëtylis, & syllaba.
		Partheniacum, anapaesticū dimetrum catalecticum, constans anapæsto uel spondeo, & anapæsto uel spondeo, anapæsto & syllaba.

IN DECIMAM TABVLAM
adnotatiuncula.

92

Assuescant tyrunculi breuioribus uersiculis componendis antequam uersus hexametros pentametrosque aggrediantur, ut ita paulatim gradatimque in Heliconis altum cacumen euadant. Vt enim mihi liceat poetæ uersum prima dictione mutata usurpare, Cantandi studio paulatim longius itur. In primis igitur dactylo & spondeo cognitis, adonios ludat, cuiusmodi sunt illi apud Scuerinum Boetium:

Nubibus atris Condita nullum
Fundere possunt Sydera lumen.

Et apud Martianum Capellam,

Virgo perita Prauia sortis,
Quæ potuisti Scandere calum.

Quem nos in Caroleis imitati sumus illo carmine,
Optime princeps, Dilige toto Pectore doctos.

Deinde incipiat Archilochios dactylicos dimetros hypercatalecticos modulari, cuiusmodi apud Horatium, Arboribusque comæ: & hi nostri sunt, quos ex tempore subieciimus,

Dulcia Pieridum Carmina disce libens.
Artibus ingenuis, Nocte dieque uaca,
Quo tibi perpetuo Surgat honore decus.

Discat item cōponere mistis dactylis & spondeis hemistichia, cuiusmodi passim lectitandis poetis occurrunt. Postea uersetur in anapaesticis concinnandis, cuius generis apud Boetium sunt,
Felix nimium prior ætas.

Contenta fidelibus aruis,

Nec inerti per dita luxu,

Et apud Capellam,

Caput artibus inclyta uirgo

Cui panditur aula tonantis.

Merito tibi subditur orbis.

Rationibus ante repertis.

Quem imitatus sum in Caroleüs:

Generose pericula princeps

Animo superato potenti.

Gere fortiter ardua bella.

Vbi diligenter his fueris exercitatus, in promptu ti

bi uersus erunt tum hexametri, tū pentametri. Nā si

cōiunxeris archilochiū cū partheniaco, hexametrum

habebis: ut, Moribus ingenuis felix nimiū prior ætas.

Si duos archilochios cōnexueris, erit pentameter: ut,

Dulcia pieridum carmina disce libens,

Artibus ingenuis nocte dieque uaca,

Quo tibi perpetuo surgat honore decus.

Si subieceris archilochio adonium, fiet uersus

Alcmanius dactylicus tetrameter, hypercatalecti-

cus: cuius generis est apud Boetium libro primo,

Cogitur heu stolidam cernere terram.

Si inter archilochium & adonium, semipedem

& pedem interieceris, fiet hexameter, ut

Cogitur heu stolidam mortalis cernere terram,

O quam glorifica sacra uirgo luce coruscas,

Artibus ingenuis incumbito nocte dieque.

Rursus si post hemistichium sesquipedem exeme-

ris hexametro, redibit in Alcmanium, ut
 Cogitur heu stolidam cernere terram.
 At regina graui saucia cura
 Tiryre tu patula tegmine fagi.

SVPER HEXAMETRIS

Et pentametr̃is eleganter clau-
 dendis, Tabula undecima.

Hexameter perbellè } { disyllabam
 desinit in dictionem } { trisyllabam.

Pentameter in dictionem } { disyllabam
 } { tetrasyllabam
 } { pentasyllabam.

IN VNDECIMAM TAB- ulam adnotatiunculae.

Hexameter uersus canore desinit in dictionem di-
 syllabam, Et trisyllabam, ut Totas splendere ter-
 ras, Gentes frenare superbas. Cauendum autem est ne
 in eius fine duæ sint dictiones disyllabæ: ut in illo,
 Incubet Et tyr̃s, atque ex solido bibat auro.
 Minus aptè desinit hexameter in tetrasyllabam, pen-
 tasyllabam, ac monosyllabam, dictionem: nisi sit ani-
 malis nomen: ut, Procūbit humi bos: aut enclitica con-
 iunctio, aut nisi altera monosyllaba præcedat, ut, Man
 furi oppidulo, quod uersu dicere non est. Pentameter
 desinit eleganter in disyllabam dictionem, nec ineptè
 in tetrasyllabam, pentasyllabamue, ut apud Martia-
 lem, Dantur opes nullis nunc nisi diuitibus: Et Pro-
 pertium, Contactum nullis antè cupidinibus.

Caue in fine pentametri ponas trisyllabam, uel monosyllabam, tametsi poetæ nonnunquam posuerint. Propertius,
 Et caput impositis prebit amor pedibus.
 Tibullus, Fecit & antiquis imposuit laribus.
 Martialis, Sunt hæc tria quidem Zoile, sed mea sunt.
 Si monosyllabâ præce. ut altera, uersus melius sonat.
 Ouidius, Præmia si studio consequar ista sat est.
 In primis autem id laudabile est, si duo uel tres, aut etiâ plures hexametri uersus nexu orationis & contextu ueluti catena quadam inter se connectantur, cuius rei frequentia sunt apud poetas exēpla. Hexameter cum pentametro sensum concludat, aut ita suspendat, ut omnino duobus proximis absoluat. Nec licet ponere dictionem regentem in pentametro, & rectam in hexametro subsequenti, aut contrâ, tametsi Catullus & alij quidem non semper hoc obseruauerint.

DE VERSVS HEROICI

uaria specie, Tabula duodecima.

Versus heroici species sunt septem & quadraginta.

i. Proprius heroicus	daicus & dactylicus
ij. ornatus heroicus.	vij. illibatus
iiij. catenopliis.	ix. iniugis.
iiij. periodicus.	x. æquiformis
v. bacolicus	xi. æquidicus
vi. sapphicus	xij. teres
vij. isochronus, cuius	xij. sonorus
sunt duæ species, spon-	xiiij. uocalis.

xv. politicus	xxxix. concordans
xvi. apartis menus	xxxij. serpentinus
xvij. telius	xxxij. leoninus
xviii. pangrammatus	xxxiii. hyporhythmus
xix. climacotus	xxxv. logoides
xx. emperiobolus	xxxvi. trachys
xxi. intercalaris	xxxlii. malacoides
xxij. interpositus	xxxvii. cacophonus
xxij. tibicen	xxxix. cacosympho-
xxiii. correlativus	nus
xxv. affectatus	xl. acephalus
xxvi. macrocolos	xli. agarus
xxvij. æquiuocus	xlj. miurus.
xxviii. reciprocus in	xlii. procephalus
heroicum	xliij. encyon
xxix. reciprocus in	xliv. procælius
sotadicum.	xlvi. dolichourus
xxx. recurrens	xlviij. hypermetrus.

IN DVODECIMAM TABV-
lam Adnotatiuncula.

Proprius heroicus dicitur, qui in prima regione,
quarta & sexta spondæum recipit: ut,
Immotamque coli dedit, & contemnere uentos.

II. Ornatus heroicus, qui sine ulla coniunctione
quascunque alias orationis partes, ita mutuis inter se

Etylumque custodiat. ut nunquam Dactylus quintam
regionem suam spondeo concedat, spondeus uero sem-
per postremus dactylum nunquam admittat. In tertia
quoque regione spondeus pentimimerim diuidat: ut,
Oceanum interea surgens aurora reliquit.

II I. κατὸ πλῖος est, qui binos habet dactylos, &
in eorum medio ac fine spondeum. ut, Ante fugam so-
boles, si quis mihi paruulus aula.

II II. πεισιδίκος, qui uicissim dactylum habet &
spondeum: ut, Troia per undosum peteretur classibus
æquor, Hectoris armati iugulum traiecit Achilles.

V. βρεγλῆς, qui post tres pedes pedem habet in
partem orationis terminantem: ut,

Tityre tu patulae recubans sub tegmine fagi.

Aut potius qui in quarto loco dactylum ex integra
parte orationis habet: ut,

Nos patriæ fines, & dulcía linquimus arua.

Dulce mihi pinus submurmurat, en tibi pastor.

VI. σαρπηγῆς, qui in prima & ultima regione spon-
deum habet, in reliquis uero dactylum: ut,

Pars in frustra secant, uerubusque trementia figunt.

VII. ἰσόχρονος, qui eosdem pedes à primo ad ulti-
mum usque habet, cuius species sunt duæ: spondaicus,
qui ex meris spondeis constat: ut, ciues Romani tunc
facti sunt Campani. Olli respondit rex Albai longai.
dactylicus ex dactylis: ut,

Sydera pallida diffugiunt face territa luminis.

VIII. Illibatus, qui non aucta uel minuta aut
amputata syllaba uitiatur, sed integra & plenissi-

ma dictione formatur: ut, Depresso incipiat iam tum mihi taurus aratro.

IX. Iniugis, qui nulla coniunctionis syllaba copulatur, qui Gracè dicitur ἀσύνδετος: ut, Tectum augmentum ingens, centum sublime columnis.

X. Aequiformis, qui simplici figura ostentatur: ut, Vrbe fuit media Laurentis regia Pici.

XI. Aequidicus, qui singulis propositionibus antithetas suppetit dictiones ut, Alba ligustra cadunt, uacinia nigra leguntur. Albis enim nigra opposuit, ligustris autē uacinia attribuit, & cadentibus legēda assignauit.

XII. Teres qui uolubilem & coherentem continuat dictionem: ut, Torua Mimalloneis implētur cornua bombis.

XIII. Sonorus, qui crepitat pronūciatione fragorosa, & exultantē informat dictionem: ut, Attuba terribili sonitu procul ære canoro Increpuit: & Quadrupedante putrem sonitu quatit ungula campum.

XIII. Vocalis, qui per alta producta locutione sonantibus literis uniuersam dictionem illustrat: ut, Portus ab accessu uentorum immotus & ingens. Ipse, sed horrificis iuxta sonat Aetna ruinis. Et totus ille locus.

XV. Politicus, qui omnis affectus ac figuræ est expers: ut, O crudelis Alexi, nihil mea carmina curas.

XVI. ἀγέτις μὶνος, qui totam intra se compre-

tionis partes complexus est: ut, Ah me si flentem super aethera mox rapuisset. Væ tibi si nantem sub flumina nunc posuissent. Hem si tunc flentem hunc rapuisset in aethera Mauors.

XVIII. πνεύματος, qui continet omnes literas, ut, Duc Zephyre exurgens Kurum cum flatibus æquor.

XIX. κλιμάκωτος, qui procedendo syllabas auget: ut, Si cupis ornari uirtutibus Heliodore. Num turmis pueros coniungitis auxiliares? Cur nobis iuuenes decerpitis orbiculata? Hic & fistularis, & ἀναβαίνων dicitur.

XX. ἐμπεριόβολος, habens unum ex decem prædicamentis, uel plura, ut, Multi hominum celeres repetent iugo tigride uisa. Arbor sex seruos feruore refrigerat ustos.

XXI. Intercalaris, qui sæpius interponitur, ut apud Vergilium, Incipe Mænalios mecū mea tibia uersus.

XXII. Interpositus, qui saluo sensu potest tolli, ut libro Aeneidos secundo, Perfusus sanie uittas, atroque ueneno.

XXIII. Tibicen, in quo ponitur aliquid ad solam metri sustentationem, ut, Aspectans syluam immensam, & sic forte precatur:

XXIII. Correlatiuus, qui correlationes habet, ut Pastor, arator, eques, pavi, colui, superavi, Capras, rus, hostes, fronde, ligone, manu.

XXV. Affectatus, qui ex meris aut uerbis aut nominibus constat, ut, Instruit, inducit, docet, admonet,

arguit,urget. Classica, tela,faces, tormenta, tonitrua classes,

XXVI. ἀρεσώδης, qui ex longis dictionibus constat: ut, Insatiabilibus Constantinopolitani Oppressauerunt sollicitudinibus.

XXVII. Aequiuocus, cuius ultimæ syllabæ similes sunt, ut, Exercet mētes fraternas grata malis lis.

XXVIII. Reciprocus in heroicum, qui & retrogradus dicitur. ut, Musa mihi causas memora, quo numine laeso. Laeso numine quo memora causas mihi Musa.

XXIX. Reciprocus in sotadicum: ut, qui à fine scansus sotadicum trochaicum facit, ut, Ire cupis si rus, mala uites somnia quaeso: Quaeso somnia uites, mala si rus cupis ire.

XXX. Recurrens est, qui (ut Sidonij uerbis utar) metro stante, neque literis loco motis, ut ab exordio ad terminum, sic à fine relegetur ad summum: ut, Si bene te tua laus taxat, sua laute tenebis. & pentameter ille, Roma tibi subito motibus ibit amor. Recurrunt & hi uersus contrario dictionum ordine.

Præcipiti modo quod decurrit tramite flumen.

Tempore consumptum iam cito deficiet.

Relege, & eundem sensum tenebis,

Deficiet cito iam consumptum tempore flumen.

Tramite decurrit quod modo præcipiti.

Philelphus in Pium secundum.

Laus tua, non tua fraus: uirtus, non copia rerum,
Scandere te fecit hoc decus eximium.

Conuertitur hunc in modum,
Eximium decus hoc fecit te scandere, rerum
Copia, non uirtus: fraus tua, non tua laus.

XXXI. Concordans, ut est hoc distichon,

Et canis	} in syluis }	} uenatur }	} et omnia }	} seruat
Et lupus				

XXXII. Serpentinus huiusmodi dicitur.

Rumpitur inuidia quidam clarissime Iuli,
Quod me Roma legit, rumpitur inuidia.
Gloria magna deo, pulchrum qui condidit orbem,
{ Qui nos seruauit, Christo sit gloria magna.
Diuitia sunt huic, cui cordi est inclyta uirtus,
Ingenuis studijs exculto diuitia sunt.

XXXIII. Leoninus, cuius media pars in eundem
sonum ultimam secum trahit syllabam: ut, Vir precor
uxori, frater succurre forori.

XXXIII I. ὑπόθετος, cuius singuli pedes par
tem orationis terminat, ut, Hæc tria sunt quæ tu mea
nunc mihi munera mittis.

XXXV. ἀνοδος, qui prosæ similis est, hic & so-
lutus dicitur: ut, Dono ducite, dōque uolentibus cum
magnis dīs.

XXXVI. ἀσπερος, qui aspere coeuntibus literi.
difficulter pronuntiatur: ut, Princeps Graiorum Ce-
crops ferrata refregit.

XXXVII. *μαλακῆς αὐδῆς*, qui levis & æqualis ac
lubricus ad aurem permeat: ut,

Et qui cæruleum dirimebt Nerea Delphin.

XXXVIII. *κακῶ φωνος*, qui crebre cocuntibus uo
calibus uastum hiatum reddit: ut,

Glaucō & Panopeæ & Inoo Melicertæ.

XXXIX. *κακῶ σὺμφωνος*, qui iisdem consonanti-
bus plures incipientes dictiones habet: ut,

O Tite tute Tati tibi tanta tyranne tulisti.

XL. *ἀκίφαλος*, qui à breui syllaba incipit: ut,
Fluuiorum rex Eridanus.

XL. *λαγὰρ*ος, in cuius medio syllaba brevis pro
longa inuenitur: ut,

Muneribus tibi Pampineo grauib. autumnō.

XLII. *μᾶρ*ος, cuius penultima brevis est. hunc
Latini appellant recaudem, tametsi quidam uocitent
secaudem: ut, Mortem contemnunt laudato uulnere
Getæ. Dirige odoriscquos ad certa cubilia canes.

XLIII. *προκίφαλος*, cuius primus pes plus quàm
quatuor tempora habet: ut,

Cornua uelatarum obuertimus antennarum.

XLIII. *ἰγκῶν*, id est prægna's, & uterū ferēs, in
cuius medio redūdat syllaba, quæ patiatur synæresin:
ut, Dat segetes terræ, & dabit aris gratia semper.

XLV. *περικίλιος*, quum syllaba omnino superat si-
ne synæresi: ut, Marcus Ludius Elotas Aetolia oriun-
dus. Iuxta se cōstitimus: & de ceteris.

conuenit, est cauda. hic ἔ μᾶκροσκιλὴς à quibus-
dam dicitur, ut,

Latus erat donis ἔ munere uelleris aurei.

X L V I I. ὑπέρμετρος, qui ἔ ὑπὲρ κατὰ λέκτος
dicitur, in cuius fine redundat syllaba sine synæresi:
ut, Sydera pallida diffugiunt face territa luminis.
Ecce furēs animis aderat Tirynthius, omnemque.
Solet autem Maro uersui hypermetro subdere uersum
à uocali incipientem, ut ita præcedētis syllaba redun-
dans elidatur.

